



*Illustri ac præstantissimo Viro
DOMINO **,
IACOBUS GOLIUS, S.*

NON existimo quemquam esse, Nobilissime Vir, quem non mirificè affecerit lecta dissertatio tua, quam de Organi Musici in templis nostris usu nuper emisisti. Quem autem non moveat expressa in eo scripto, quam & ubique monstrare soles, gratissima illa ingenii, doctrinæ & virtutum symphonia? Aut quem non permoveant, quæ rei ipsi, rectè prudenterque, ut quidem mihi videtur, à te definitæ ac distin-

distinctæ , gravissima addidisti rationum momenta ? Quapropter nequivi persuadere mihi , in argu- mento tam plano nunc & plenè tractato , privati alicujus judicium vel assensum , saltem meum , aliquo haberí loco vel seriò requiri posse .

Sed quemadmodum cœlestis pietatem animi testaris , cum inter continuas curas , Celsissimi Princi- pis negotiis ex officio intentas , do- mus Dei zelo flagras , & , quod vi- yum ejus membrum decet , cor- pori in commune prodesse studes : ita generosæ mentis humanitatem & simul modestiam probas , ma- gnoque publicè exemplo com- mendas , cum aliorum quoque hic judicia deposcis , quibus submis- sum cupias tuum .

Multum equidem ego ipso mu-
E 3 nere

nere tuo lætatus fui, quo me quoque inter cæteros decorare Tibi collibitum fuit. Neque id cuiquam gratius aut honorificentius accidisse puto: siquidem visus es veteris erga me benevolentiae affetum ceu novo pignore quodam testatum mihi confirmatumque voluisse: illum dico, quem ut ab ineunte ætate nunquam non perspexi: ita in primis felicitatis meæ partibus deputavi semper; & quo meritis meis majorem agnosco, eo gravioris animi reverentia colo.

Non tamen propterea quid sentirem rogatus, ad palpum vel adulationem , à quibus abhorreo, quicquam respondi, quod ab intimo animi sensu dispareat. Namque ante triennium , cum in urbis hujus Ecclesia senioris munus sustine-

stinerem, eandem, in eadem fere causa, sententiam professus fui: quando nempe ordinis illius judicium quoque audiendum Magistratus censuisset, antequam Organici concentus cum Psalmodia so ciandus esset.

Quod autem super ea re nuper coram te declaravi verbis, exhibere scripto non alia distuli de causa, quam quæ superius à me allata fuit: ne quid affectare cupiens, quo jam præclarè defunctus essem, minus quam actum agerem, aut ut anser inter cygnos strepere vide rer. Ut tamen complendo, quod in me receperam, officio aliquid tentarem, ingenio tuo dignius atque observantia mea, de Orientis Musica & Poësi, quibus artibus, ut liberaliore alia quacunque ma-

E 4 gno-

gnopere delectaris & excellis, ex gentis ipsius monumentis transferre quædam in animum induxi: ut præfixa iis epistola mutuari inde aliquid posset, quo se tibi magis commendaret, & per se alias careret. Neque hoc præter rem futurum videbatur: siquidem Musicum quid in cultu Dei usurpare ille etiam orbis sacrum & solemne habet: hoc quippe de iis unum est, quæ omnium gentium religioni communia quodam modo censeri possunt. Verùm instituto illi exequendo plusculum otii, & ad rerum quarundam obscuritatem, quibus nova & prima quæque obnoxia esse solent, nonnihil lucis hactenus desideravi.

Atque ita paulatim contigit me studium probare volentem negleg-
eti

Eti evasisse reum: neque tamen iterum ac iterum protracti responsi moram meliore forsitan aliquo mentis meæ symbolo postliminio pensari, quam quod ante verbis à me collatum fuit. Quoniam verò quantuluncunque illud videre probenevolentia tua gratum duxisti; quidvis in me hac parte desiderari quam obsequium malim. Animum igitur, ut spero, de cuius erga te fide atque integritate dubitare nolis, culpa hic absolves, reliquam verò omnem pro humanitate condonabis.

Quod quidem ad ipsa templa spectat, salvo aliorum judicio ita videtur mihi: quamvis solum Hierosolymitanum ex Dei instituto quondam sanctum fuit; cætera verò, extra Dei cultum, qui in iis

E 5 pera-

peragitur, nihil in se sacri habent:
 æquè tamen nunc quam olim ei-
 dem illi officio, cultui nempe Dei,
 ut Petrus Martyr docet, dicata
 sunt: arbitrio inquam eorum, qui-
 bus loci publici est potestas, cum
 sacra gratiarum actione precibus-
 que, pro concessso Dei munere &
 salutari usu. Cum igitur ubique
 servandum loci decorum recta
 præcipiat ratio, civilis saltē quē-
 dam Templi reverentia esse debet,
 non minùs, quam Prætorii est sua.
 Et sanè Apostolico canoni, ut om-
 nia ordine decenter atque ad ædi-
 ficationem siant, repugnare vide-
 tur, in eodem Templo, statis velut
 horis & publicè, brevi temporis
 spatio excipere invicem, & tantum
 non committi res toto distinctas
 cœlo: sanctas nimirum & vanas,

Dei

Dei cultum ac mera hominum
oblectamenta, citra animi cultu-
ram aut Reipublicæ emolumen-
tum: ibidem modo Spiritus sancti
interdicto & comminatione igna-
va prohiberi otia ac inanes sermo-
nes; & mox quasi campum illis a-
periri quendam, fomenta & sola-
tia præberi. Utique caveri qui-
dem vitarique, prout debet, super-
sticio omnis potest; etiamsi con-
tratii abusus, *ἀχριμοχώνες οὐτε αἰτεῖσθαι*,
quicquam non succedat.

Pro Organi verò Musica sacris
Ecclesiæ cantibus attemperanda,
nolo moveare Apostoli ad Ephesios
verba, *Ἄδοντες οὐτε ψάλλοντες*: quasi de-
clinandæ melius tautologiæ ergo
per posterius intelligenda videa-
tur aliqua instrumenti Musici con-
trectatio; præsertim cum *οὐ ψάλλειν*,

&

& quasi ψῶψις, ut Grammatici volunt, id ipsum propriè notet, & vix à quoquam scriptore, quod sciam, ad illud usque ævum aliter sumptum fuisse videatur. Verùm satis fuerit dixisse, haud quaquam ejusmodi Musicam pro peculiari aliqua censendam cultus divini parte, aut novo Ecclesiæ ritu: sed dun-taxat pro adjumento habendam aliquo, ut receptus Ecclesiæ ritus, de cuius observanda constitutio-ne, sive ut Apostolica, sive saltem primi sæculi antiquissima, inter omnes convenit, in Ecclesia decoro suo atque eutaxiâ constet; & quod ore animoque faciendum, certius meliusque à singulis peragatur. Etenim nemo ignorat, normâ quâdam & velut habenâ opus esse, ut populi totius cantus, in magna

magna præsertim variaque multi-
tudine & difficilioribus odarum
formis convenientissimè regatur;
ne quid ibi turbidum & inæquale
emineat, atque adeò absonum &
deforme, à quo sensus & ratio, id
est, totus homo abhorret. Id ipsum
& innuisse D. Paulus videtur, cum
ad Col. 3. 16. inquit, *καὶ χάριν ψάλ-*
λοῦσες, licet hoc etiam referendum
ad cantici ipsius sensum & verba.
Ad eam verò rem non semper suf-
ficere elatiorem præcentoris vo-
cem, in nostra saltem Ecclesia, usus
docet. nec video quare & ipsa ar-
tis præstantissimæ vis, quæ in com-
ponendis ad honesta animis alias
plurimum potest, cum modo ad-
hibita hic locum habere aliquem
non possit: ita ut alia in aliis sacris
rebus externa media habent suum.

Ideo-

Ideoque præclaris Helvetiorum Ecclesiis, quæ ordine, disciplinâ & morum gravitate excellunt, majoris cujusdam efficaciæ Musicam in Psalmodia, ut accepi, adsciscere visum fuit. Tigurina addidit chorum; Basiliensis Organum; quin Bernensi ductiles placuerunt tubæ. Neque contra ejusmodi Musicæ Organicæ usum, cum canentis populi seu Ecclesiæ totius vocibus junctæ, quicquam facere videntur argumenta, quibus instrumenti cuiusque cantum ab Ecclesia excludendum contendi solet. Longè enim hinc diversus erat apud populum Judaicum Organorum ille apparatus, quo vélut infans elementis mundi involutus, demulcendus esset. illis quippe sacer fuit ipse sonus, & pro animo

mo tantum non aures erant : & illâ Levitarum Musicâ haud multo magis juvari videbantur ad verum mysterii, quod subesset, cultum, quam matris psallentis mentem assequi & sequi solet infans.

Neq; vero Judaïzare protinus dicendus fuerit Christianus, si quod olim fortè ad Judaicâ ceremoniam pertinuit, in ritu Christiano commodi alicujus ergò adhibeat juxta proprium suum usum, quem naturæ virtute semper habuit, & quoque nunc habere potest. Ita namque tenendum puto, res omnes in eum à Deo finem institutas, cui natura sua comparatae sunt, atque conducunt. Paschatis in Ægypto celebrati religio postulabat, ut comedetur lumbis succinctis, cum baculo in manu,

&

& calceis in pede. Num igitur
in Cœnæ Dominicæ sacramento
illicitum fuerit earundem rerum
quicquam usurpare ad conve-
nientem inibi commoditatem,
quam præstare possint ? ut quis
haud impeditus accedat, infirmior
se sustentet , pedem à soli noxa
inoffensum servet ? & si quæ talia
conducant omnibus , quare non
omnes faciant , quod singulis li-
cet ? non audere parta uti liber-
tate , si quando expedit aut ju-
vet , non minus servitutis pars
est , quam ejus quod per se in-
differens ac liberi usus fuerit , ne-
cessariam imponi observationem.
Neque criminis vertendum , quod
Organii usus de quo quæritur , ad
Dei cultum & gloriam refertur:
cum eo velut ad ultimum finem ,
cuncta

cuncta tendere debeant, & referri.
 Ne autem illic videatur ulla esse ce-
 remonia , aut ritus sacri religio,
 quam semper niti oportet fide ac
 verbo Dei, hoc quidem satis est,
 in ejusmodi sono nec sanctimo-
 nię quicquam, nec peculiarem Dei
 observantiam collocari ; nec sym-
 bolicum illi aliquid , aut , quam
 natura non habeat , tribui virtu-
 tem. Neque ea res in se gravior,
 aut majoris ad scandalum periculi
 videtur, quam, quod & ipsum Iu-
 daici apparatus fuit , coronaria
 templi candelabra luminibus im-
 pleri, ut in crepera seu dubia luce
 facilius distinctiusque prælegatur
 sacrum Dei verbum, aut aliqua Li-
 turgia. Ejusmodi igitur , qualem
 erudita cum gratia descripsisti, in-
 strumentalis Musicæ usum , non

F tan-

tantum, ut adiaphorum quid, Ecclisiæ Christianæ licitum esse arbitror; verum etiam, quod in talibus rebus Apostolus unà requirit, expedire ac prodesse. Nimirum, ut cum majore ordine ac decoro, apud nos saltem, Psalmi atque aliæ sacræ canantur Odæ, &, quoad humanitùs fieri potest, magis efficiantur ἐπωδαὶ τῷ ψυχαῖς. Cui quidem rei aptissimum videtur esse Organum, quod absoluto ob præstantiam nomine Organum dici solet? judicio velut Apollinis hīc cuiusdam tuo luculenter commendatum. Hoc quippe non modò ceterorum penè omnium facultate pollet; sed etiam gravitate peculiari quādam & decoro suavitatem modulaminis ita temperare novit, ut levitatem omnem & mollitiem au-

res

res inaniter paſcentem , facillimè
excludat. Atque ita dum cœlestia
canentium voces quadam vi sua ad
eurythmian & æqualitatem infle-
tit, cum iis quaſi coalescens , ani-
mos , uti videtur, magis excitat ad
ſtudium cantatæ rei , excitatos in
eius meditatione firmius detinet,
eiusdemque amore & desiderio ac-
censos quaſi ſurſum rapit. Neque
verò, ut opinor, dixerit quiſquam
compositos ſenſuum & affectuum
motus, penetrantes in mentem ho-
nesti ſtudiosam , ipſiſq; cogitatio-
nibus utcunque aptatos, cum ubi-
que alibi multum valeant, in ſacris
& diuinis rebus , nihil prorsus ju-
vare poſſe: cum ipſa Dei gratia non
deſtruat naturam, ſed in ordinem
reducat perficiatque, & quoque iis
rebus, quas homini indidit, ut me-

F 2 diis,

diis, utatur ad hominis salutem. Si quis munere præcentoris ita fungi possit, ut Organi illius vicem insuper expleret, an non expetenda vocis ejusmodi copia, atque aliis omnibus præferenda foret? Nunc verò, cum tale quid haud facilè & ne quidē dari queat, quare, quod proximum est, ad præcentoris vocem pro complemento non assumatur parabilis admodum ejusdem Organi concentus, sonoq; ejus sonus omnium non juvetur? Convenientiore hac Musicæ utriusque, vocalis & organicæ, societate efficitur, ut argumenta, à ratione ac vi naturæ petita, quibus sanctissimi quiq; viri vocalem, in sacris usurpatam, cōmendarunt, efficaciæ etiam plus habeant pro sententia nostra; quibus verò Organicā prohibuerunt,

haud-

haudquaquam officere nobis vel
 adversari videantur. Gravissimum
 fortè fuerit Justini Martyris, Patris,
 omnium qui extant, antiquissimi,
 testimonium, quæst. 107. εἰ τὸ ἀρχαῖον α-
 πελῶς ἐσὶ τοῖς νηπίοις αἴματοιν, αἱλάτη τὸ μῆτρα ἀψύ-
 χων ὄργανων ἀρχαῖον. Sed tum ex sequenti-
 bus ejusdem verbis, iisque quæ à Te
 scripta, & à me superius repetita
 fuerunt, interpretatio commoda,
 & responsio ultro sese offert. Nam si
 τὸ μῆτρα ὄργανων ἀρχαῖον sit instrumentis ca-
 nere (non verò una cum iis vel ad
 ea) sicuti præpositio illa subinde u-
 surpatur: haud aliud inde evinci po-
 terit, quām quod tute assertum vo-
 luisti: simpliciter dictū cantum, id
 est, vocalē convenire, non verò so-
 litarium Organi ab illo separatum.
 Sin autem altero intelligendum
 sensu, ut nempe organi inanimati

F 3 can-

mub

cantum simplici, sive vocis huma-
 næ cantui conjunctum reprehendat, haud spectaverit S. Pater ejus-
 modi ordinatum, de quo agimus,
Organi usum : sed quod homi-
 nes puerili animo ducti instru-
 mentorum apparatu inane , in-
 utile & superstitiosum ; vel leve &
 lascivum edebant : siquidem ad-
 dit , $\mu\acute{\epsilon}\chi\eta\sigma\omega\varsigma \chi\eta\pi\sigma\alpha\lambda\omega\eta$. Id ipsum
 autem in cantu absolute dicto
 sive vocali , si quando depre-
 hendi contigit , æquè culpatum
 fuit : nec tamen propterea hone-
 stior ejus damnatus usus. Rebus
 verò illis , ob quas venerandus an-
 tistes ibidem paulò post simplicem
 eundem vocis cantum commen-
 dat , non tantùm non incommo-
 dat junctus , qualem diximus , Or-
 gani concentus : sed etiam commo-
 dum

dum & momentum haud leve af-
ferre potest. Vel forsitan aliæ ratio-
nes fuerunt, à personarum, quæ
tum in Ecclesia, tum extra eam,
essent, rerumq; ipsarum & tempo-
rum statu ac conditione petitæ, ob
quas ejusmodi Musicæ usum tunc
quidem Ecclesiæ non conducere
judicatum fuerit. Iisdem verò cir-
cumstantiis in contrarium muta-
tis, nihil obstat quò minus eadem
prudentia Christiana utendum sua-
dere possit, quo non utendum an-
te statuerit. Hoc quippe eorum,
quæ media & adiaphora dicuntur,
natura postulat ratioque dictat. Et
ejusmodi rerum seu mutationum
exempla in orthodoxis superio-
rum temporum Ecclesiis haud
pauca extiterunt. Ita quoque apud
nos aliquando Organi cantum su-

F 4 per-

perstitio & abusus invisum reddiderunt; feruentior ejus temporis pietas ac zelus, exterioribus humani juris mediis velut superior, iisdem ferè supersedere gaudebat, summâ ubique simplicitate contentus; quæ etiam, uti & quietiora omnia, persecutioni peculiariter conveniebant. Nunc cum pacem Ecclesiæ dederit Deus, perspecti dudùm atq; exacti abusus fuerint, quidni honestâ libertate ad rerum quarundam usum sine periculo uti possit? Ingens nunc multitudo, & quidem imperitior quàm ante, confusione magis obnoxia, maiorem eutaxiæ curam atque operam requirit: animi verò prosperitate sumpiti, ac tardiores facti quocunq; etiam modo excitari & impelli opus habent. Quamobrem mirum videri

videri minimè debet, qui facile
tunc relictus fuerit Organi usus,
nunc sacris mentis exercitiis de-
corè accommodatum in hac no-
stra, & vicinarum quarundam ur-
bium Ecclesiis haud difficulter re-
ceptum seu admissum fuisse. Opta-
tum quidem effectum & fructum
aliquā saltem hactenus parte ad
easdem inde rediisse, extrinsecus
quidem in toto corpore, sive con-
centu ipso, palam animadvertere
quivis potest: intrinsecus autem
in animo etiam se experiri com-
plures testantur. Nec infirmiorum,
qui inter nos plurimi, iique sim-
plices & pii, ulla hactenus intellexi
innotuisse querelas, Politico-Ec-
clesiaisticum hoc institutum ipsis
scandalo fuisse.

Quapropter cum regum om-

F 5 nium

nium Deo gratissimus, & qui vero
illū spiritu coluit, omnes Dei crea-
turas & cuncta humanæ artis Mu-
sica organa cantandis Deo hymnis
psalmisque suis subsidio vocarit:
equidem laudem & gratiam Magi-
stratui deberi puto, si quis animo
& munificentia faveat eorundē in
Ecclesia cantui ritè ordinando &
cohonestando; quoad in regno
Christi simplicitas & modestia
permittere, ordo & decorum re-
quirere, omnia denique rerum mo-
menta suadere videbuntur. Vbi
quidem, sicuti nullibi non, infir-
miorum præsertim conscientiis
cum cura consulendum: sed tali
quoque, ut, quantum fieri queat,
monitione, sive privatâ sive pu-
blicâ, & doctrinâ aliquâ iisdem
succurratur. quod quidem esse pre-
stabi-

stabilius videtur, ita scilicet medicinam fieri, quam sequiora de rerum usu judicia, & quæ inde plerunque nasci solet, infirmitatem silentio vel assensu foveri. Ubi si illâ, quam dixi, ratione eximantur qui leviter sæpè scrupuli hærent, piæ animæ in rectiore judicio ac robore, quod semper optandum, proficere fortè haud parum comprehendentur.

Quoniam autem libertatem veri studiosam à te amari scio, non possum dissimulare, quod ex insigni tractatu tuo in mentem hîc mihi venit, & ad consensum me difficiilius movere potest. Namque haud improbabi aut inconcinnâ ratione nisi mihi videtur, quod Tibi placere aut probari nequit. Decalogi in Ecclesia cantum intelligo,
quo

quo velut epiphonemate quodam
sacros plerunq; finire actus Eccle-
sia Gallicana consuevit. Namque
ibi fidelium quisque verbis Dei ac
præceptis affatur animam suam,
postquam præviis versibus ad at-
tentionem excitavit , eamque mo-
net & docet, atque omnes invicem
inter se ; additâ sub finem preca-
tione & submissi animi voto. Neq;
illud alienum videtur à plurium
Psalmorum norma ac exemplo, A-
postoli Pauli monitione ad Col. 3.
& Antiquorum instituto, qui san-
ctiora præcepta etiam carmine re-
præsentarunt, ut componenti se ad
eurythmiam animo facilius inscri-
bi & placere possent. Sed qui me-
liora semper doceri exopto , hasce
rationes meas & quicquid est reli-
quum subjicio vicissim judicio tuo

ac

ac censuræ. Atq; ita tandem finem
facio, & veniam peto, quod posi-
tam mihi metam longius trans-
gressus tædio fortè ac molestiâ pec-
cavi in gravissimas tuas pro bono
publico occupationes. Et meritò
existimaveris haud operæ precium
fuisse meæ quoque sententiæ sym-
bolum in aliorum numerum co-
adoptare, quo recœcta hęc in quam
oblatas à Te nobis delicias depra-
vasse videri possum, apponetur
crambe. Cum tamen me alterius
quoq; officii monueris in gratiam
Clarissimi Wendelini, ob ingenii
& doctrinæ dotes carissimi omni-
bus, pauca quædam adjicere liceat;
ne utriusque vestrūm desiderio &
officio meo diutius desim. Quæ
super problemate de accrescente
gravium motu ingenio ille & in-
dustriâ

dustriâ dudum invenit, æternę me-
moriæ laudem mereri judico. &
quoniam cum Galilæi inventis
concordantia insigne veritati te-
stimonium perhibent, demonstra-
tionis suæ & plenioris tractatus
editionem publicæ expectationi
ac simul nominis sui famæ debet.
Nec est quod Chronologicæ dia-
tribæ impressionem diutius remo-
retur spes & opinio, quam de Chro-
nici Samaritani adjumento conce-
pit. Perlustrare illud quondam me
exorsum cum inusitati characteris
tædium, tum aliæ occupationes
prope à limine suspensum stite-
runt. Nunc firmato animo totum
à capite ad calcem evolui. quæ et-
iam res inter cætera impedimenta
effecit, ut tardius perficiam quod
dudum præstandum fuit. Est verò

Sama-

Samaritanorum illud scriptum libri Josuę compendium quoddam, eodē etiam nomine insignitum, & variis gentis traditionibus interpolatum; quas mirum quibusdam Ju-dæorum magistris tanto in precio haberi, ut non vereantur h̄ic summorum hostium fidē & autoritatē sequi. At toto illo opere ne verbum quidem deprehendere potui de annis Jubilæis; quorū inibi normam extare amicus speravit. De expectatis ab eodem Ecclipsibus pauculas addo melioris notæ, cum diligentia atque industria observatas: suspectæ fidei, aut potius *āne, Beias,* & aliundè missas, utilius retineri suppressimique arbitror: ne tenebras afferre pro luce, & remoram pro subsidio solertissimi viri laboribus injicere videar, efficiamque ut

96

ut longius se subducat nobis quod
in conspectū prodire tandem sidus
peroptamus. Hæc quidem omnia
quantulacunque sunt, ubi plu-
ribus verbis vix quicquam aut
nihil boni collatum novi, æqui bo-
nique consule, & me, quod unicè
expeto, nihilominus amare perge:
qui tibi & illustri progeniei ac fa-
miliæ tuæ, ævi patriæque decori,
majorem quam exprimere possim
amoris affectum, ampliora quam
præstare queam studia officiaque,
totum denique animum addixi.
Dabam Lugdun. in Bat. v. Sext.
cl̄o Iō c xli.

Vir